


[www.BibleForChildren.org](http://www.BibleForChildren.org)



Yon 14



Ena Yesu ka iru di yal kobe tongwa, "I sigagu dire nomanin si ala erekio. I pire gi di God tere na ama pire gi di na to. Na Abe ogu ali maan kulan bilungwa binanbile dimua. Iru ta paikinamia di i teralba, binanbile dimia, ena ai ta aa te wai ere i terala di nalwa."



"Nalgire pare kwi ere ime ure na miliga gul i awli nalgire, na pi milalga gul i para milabilwa."



Ena i ibal kobe ka main enin ta, na Yon miliwe.  
I na bole Yesu Kirisito gawliman milebilga,  
gain giil bole para pire milere, te yalini

kenin ere ke milungwa  
suna bole milere, te ka



main aa gi di pire  
milabingal milabinga  
bole milere, na ibal  
kobe iru  
milebilwe.



God ka dungwa na kere di maribe erere, Yesu  
ka main kawen dungwa di gawa diga, ena ibal  
na nusi mena erere, "Pi pirin nil suna

gariba ai mege  
kaan Patmos milo,"



di na tongure,  
na u miliwe.



Dungure gin taran God Iban na denan miranan suna  
paire nimirnin mile na tongure, ena kamin ai suna  
kenin ere ke milungwa bol kanere, te ibal ta bol  
iray amin di milungwa, na para kaniwe.



Kalkan kobe para kamin ai milungwa, te gariba gul  
milungwa, te gariba main ali ime milungwa, te pirin  
nil ali milungwa, te kamin te gariba  
ain kalkan para muru geril bale  
yere dungwa piriwe.



Geril dire ka iru dungwa, "Kenin ere ke milungwa bol  
amin di milungwa yal te Bolima Siipe Siipe Gawlin  
yal sui milinga maki yere deminin  
si tere, kaan ai yebe dire  
deminin si tere, yobilaan pai  
tere, kal main iru ere i yal sui  
te milabingal  
milabinwa."






God ogin ain, Yerusalem ogin ain ta, kwi God milungwa gul kamin ai pisere ere ime ungwa kaniwe. Ibalin kobi mile ungwa mere iwe, abal yal terabina dire, egin wai gale tobinga mere, iru mere ere umue. God kenin ere ke milungwa bol maala ta gala bil dire ka iru dungwa,

"Malia God ki pai milungwa ain, ibal suna u maribe omua.

Yalini ibal bole ki pai milangure, ibalin kobi yalini gawliman milamua. God ibal bole pena gale milere ibalin kobi Nen God




yalini iru milamua."



Ena angel ta ogu ai iray i maribe ere na tongwa milere  
nil nuule ta ibal nil iray nenangwa, mile painangwal  
painangwa yalini para i maribe ere na tomue. Nil nuule  
yaangwa iwe, nilninin naabile aw dungwa mere, nil  
iray iru naabile aw dungure, te nuule iray nil gibilin  
God te Bolima Siipe Siipe Gawlin kenin ere ke  
milungwa bol suna nil iray umue.



Ogu ain iray God naabile aw dungwa u maribe ongure,  
te Bolima Siipe Siipe Gawlin enderin derin mere  
milemia, ena are ta sekere te ba ta dekungwa  
paamue.



Dimba kalkan si kunal  
sungwa, te ibal kal piril  
sungwa erungwa, te  
ibal kakiibi dungwa,  
kalkan te ibal iru ogu  
iray ala ta pekenamue.  
Ibal mile painangwal  
painama dire, Bolima  
Siipe Siipe Gawlin  
ibalin kobi kaan buku  
ta mina bile paalungwa,  
ibalin kobi iru tawle  
ogu ain iray ere ala  
nangwa paamue.




“Ibal kobe kay miingwa, kwi ta miikinama dire, yalini iru ere ibalin kobi tenamua. Ibal gulungwa main wei sinangure, kwi ta gulekinangure, te ibal kay mun bile yaare miingwa, kwi ta miikinangure, te simil kay miingwa, kwi ta miikinangure, te gain giil pirungwa, kwi ta pirekenamua. Goma main iru paangwa, kirara malia wei sinamua.”




God kalkan nigi de kanungwa kalkan i, ogu ain iray ala ta dekenamue. God te Bolima Siipe Siipe Gawlin kenin ere ke milungwa bol ogu ain iray ala dinamia, ena God nil konagi ibal ana dire deminin si yalini tenamue.


Ibalin kobe yalini guman kanangure, te yalini inin kaan ibalin kobi maabin mina bile paalamue.



Te gulungwa ibal maangwa te yaangwa para, kenin ere ke milungwa bol guman mina ale milungwa kaniwe. Ibal kobe mile pai erungwa mere, ka minin ganin iru buku mina bile paalungwa, buku iray polaa dungure, te ibal mile painangwal painangwa, ibalin kobi kaan buku ta mina bile paalungwa, para polaa dimue.




Gulungwa ibal goma mile pai erungwa, buku iray ka minin ganin bilungwa mere, God ka kol ere gulungwa ibal tere pirin pai tomue. Ibal mile painangwal painangwa ibalin kobi kaan buku ta mina bile paalimba, ibal taw kobe kaan buku iray mina ta bile paalekenangwa, ena God ibalin kobi pusi enderin de painangwal painangwa ai eremue.






God Iban te ka main ibal taminin Yesu Kirisito pire gi di tongwa ibal para, "Pire gi di Yesu tenana wo," dimue. Te ibal para ka dungwa i pirangwa, ibalin kobi para, "Pire gi di Yesu tenana wo," dimue.



Nil ta ibal nil iray nenangwa, mile painangwal  
painamue. Ibal ta nil iray gule te nil iray nerala  
dinangwa, ena yalini nil iray imore nenana wo.  
Nenangwa sigare kule u wai namue.



God gariba ibal para den miriin tomia,  
ena yalini Wan taran nusi ime ere  
na ibal kobe tongwa. Tomia ena ibal  
kobe aa gi dire pire gi di yalini  
tenangwa, ena ibalin kobi iban u  
enderin gaul ai ta pekire,  
mile painangwal  
painangwa.



Orom 3:23 Ibal kobe para wen kal digan ere taalime ere milere, te God naabilungwa mere, na ibal kobe nomanin suna iru ta naabile dikimue.

Orom 6:23 Ibal kobe kal digan ere taalime erungwa tobe ingwa iwe, gulungwa main u maribe pi ibal tomue. Main iru paamba, na ibal kobe Singaba Kirisito Yesu si waire u taran pire mile pairabingal pairabina dire, God kal wai imore ere na tenamue.

Kibiru 9:27 Ibal para ginin ta gulangure pare, mile pai erungwa mere God kanere, "Pirin paimua," di tenam mo, di tekinam mo, iru obin si tenangwa paamue.



Epesas 2:8,9 I ibal kobe sigare kule u wai enga main iwe, God kal wai ere i tongure, i ibal kobe ka main i pire gi di tenga, sigare kule u wai wen enwe. I pire gi dinga, i inin konagi nega di ere, pire gi ta dikinba, God aa ki di i tongure, ka main iray pire gi dinwe. Konagi nega di ere, pire gi di tenanga, i inin kaanin gale yebe eranba, God aa ki di i tongure ta erekinanwe.

Orom 10:9,10 "Yesu milungwa main iwe. 'Yalini Singaba milemua,' dire te 'Yalini gulere alungure, God kal iru ere yalini tomua,' dire pire gi iru dinanga, ena God aa te pilaan pai i tenangure sigare kule u wai pire milanwa." Kal iru erungwa mere, main u maribe ongwa iwe. Na ibal kobe Yesu nomanin suna pire tere pire gi dibinga, ena kal digan ere taalime erebinga God pirin gule ere tere, "I kabin sire wai wen milinwa," di na tomue. Te na ibal kobe, "Yesu ka main pire gi dibinwa," kirara di gawa dibinga, ena God aa te pilaan pai na tongure, sigare kule u wai obinwe.



Yon 3:16,17 God gariba ibal para den miriin tomia, ena yalini Wan taran nusi ime ere na ibal kobe tongwa. Tomia ena ibal kobe aa gi dire pire gi di yalini tenangwa, ena ibalin kobi iban u enderin gaul ai ta pekire, mile painangwal painangwa. God Wan ka kol pai gariba ibal tenama dire, God yalini nusi ime ere na ibal kobe ta tekungwa. Gariba ibal aa ki di tenangure, sigare kule u wai nama dire nusi ime ere na tongwa.



1 Yon 5:11-13 God kanere di maribe erungwa, kal iru ere na ibal kobe tongwa main iru paangwa, na ibal kobe mile pairabingal pairabina dire, God kal iru ere na ibal kobe na tongure, te mile pairabingal pairabinga main, yalini Wan inin kobaan milemue. Ibal ta mile, "God Wan na kobaan milemua," dire pire gi dinangwa, ena ibalini mile painangwal painamba, ibal ta pire gi iru ta dekenangwa, ena ibalini mile painangwal painangwa main, i ta pire pol sekenamue. I ibal kobe pire gi di God Wan guun kan tenga, i ibal kobe mile painangal painanga kaya inga pirana dire, na ka iray bile i teya.



Yon 14; 2 Korin 5; Rebelesen 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Golin Bible (gvf) © 2013, Wycliffe Bible Translators,  
Inc. All rights reserved.

<https://live.bible.is/bible/GVFWBT/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

